


吉安府志

250.141
134
4



吉安府志卷一

天文志

星野

占驗

氣候

機祥



豫章南斗分野北斗應占壤錯吳楚越安成郡舊隸長沙故斗牛翼軫分星其說間見層出無所統壹舊志以為斗牛女吳揚所同星土之占休咎不常獨畧星野然地轄十城境垂千里吉贛星紀斗度不書通志頗以為憾今按前史諸家及各志言有所本占有所應者採撫折衷少加辨覈次占驗次氣候附列機祥用備將來據依立天文志

星野

周禮注云南斗牽牛星紀也吳越揚州分野南斗

吉安府志

卷一

星野

爾雅云星紀斗牽牛也

斗者日月五星之所終始故謂之星紀

史記天官書云斗江湖牽牛婺女揚州翼軫荊州

漢書天文志云丙丁江淮海岱一曰丙楚戌吳越

漢書地理志云吳地斗分野也今之會稽九江丹陽豫章

廬江廣陵六安臨安臨淮盡吳分也今之南郡江夏零

陵桂陽武陵長沙及漢中汝南郡盡楚分也

新唐書天文志云斗牽牛星紀也南斗在雲漢下流當淮

海間為吳分牽牛去南河漸遠自豫章迄會稽南逾嶺

徼為越分翼軫鶉尾

宋史天文志云北方南斗六星南星者魁星也北星杓也

石申曰魁第一主吳二會稽三丹陽四豫章五廬江六

九江

清類天文分野書云南康揚之西陸九江吳楚地吉安吳楚禹

貢荆揚二州之域星紀斗分節錄

明一統志云吉安天文斗分野九江斗牛分野

廬陵分野說云十二次分野分星春秋傳在諸侯謂之分

星在九州謂之星土吳伐越史墨謂越得歲而吳伐之

言歲在星紀也星紀為越分星而揚州之星土也廬陵

古揚州地當屬揚州

廬陵舊志云二十八舍分野入南斗入牽牛入婺女廬陵

故揚州故吳故越故豫章當屬斗牛女又云兩河分野

屬南戒廬陵故吳越封域在南戒之中南紀之東南河

吉安府志

卷一

星野

二

之南為星紀之分野

秦和宏治志云秦和望縣本斗分野

秦和新志云江西古豫章郡秦和隸豫章分星在斗

吉水新志云歷代天官諸書皆以吳地為斗分野吉水故

揚州地揚州故吳地其屬斗分無疑他邑皆同

以上十四條前七條概舉江西介荆揚之交地屬吳

南斗分野又兼楚越之分星後七條專舉吉安府屬

皆斗分野而其說亦有牽入牛女者姑並錄以俟辨

正

晉書天文志云自南斗十二度至須女十七度為星紀於

辰在丑吳越分野屬揚州費直說周易起斗十度自張十七度至

軫十一度爲鶉尾於辰在巳楚之分野屬荊州費直起張十三

又云斗牽牛須女吳越揚州九江入斗一度廬江入斗六

度豫章入斗十度會稽入斗一度翼軫楚荊州江夏入

翼十二度長沙入軫十六度吳分長沙立安成郡晉以安成屬荊州

宋蘓軾展次圖云以南斗十度爲吳之頭以軫十度爲楚之尾故費直星歷南斗之十度爲豫章軫之十一度屬

武昌

元史天文志云揚州北極出地三十三度此揚州今江都縣地吉州

北極出地二十六度半

明章世純星次分野云斗六星二十五度吳之分野吉安

吉安府志

卷一

星野

三

九縣在其內

江西志論云一統志曰豫章十三郡皆禹貢揚州之域而

九江南康則地兼乎荆天文斗分野而九江則宿兼乎

牛攷二十八宿分野圖說南昌入斗八度饒州廣信同

居七度瑞州三度撫州六度贛州十二度吉安九度南

康臨江袁州南安俱斗四度九江則入牛五度與九江

入斗一度豫章入斗十度與從前諸家說相徑庭

蓮花廳志云去南斗二十五度其星六其四主豫章一星

得四度有奇以乘豫章千里之域約二百餘里而差一

度蓮廳度數可約畧計之

廬陵縣志云廬陵雖屬豫章去豫章四百里有奇豫章入

斗十度則廬陵又差二度近二度則斗八度也遠二度則斗十度也從今法與蔡邕郭守敬之說則廬陵入星紀無疑若廬陵入斗八度又審以漢晉志及費直之說幾入析木之津矣今分十二次則直以爲析木星紀之交分二十八舍雖不敢定爲何度其入斗而不入牛女則斷然而無疑也

泰和新志云晉志謂豫章入斗十度泰和去今省會五百餘里當差二度其分星宜爲斗十二度編戶二百餘里又宜獨當一度

永新縣新志云按南斗六星二十五度四星主豫章每一星得四度一分分之六有奇推步家言下地二百五十

吉安府志

卷一

星野

四

里始當上天一度九江豫章相距不遠一度何由遽及十度永新介在西偏距南昌六百二十里有奇計里推求當在十二度五分然考江西舊志吳之分野南昌入斗八度饒廣同居七度吉安九度又稱豫章入斗十三度終十四度劉青田分野細數斗星一度在江寧揚州二府間九江南康廣信三府俱屬二十度諸說不一即南昌十度且無足據廼欲縱橫推暨寸寸而量之乎永新舊隸安成曾爲長沙屬地今於楚尤近入彼出此當在斗軫丑巳間

崇義縣志云南昌府北極出地二十九度廣州府北極出地二十三度崇義介豫章東粵之交風氣畧與粵同

附錄

瑞州府志云豫章入斗十度唐天文志則云豫章訖會稽南逾嶺徼爲越分越屬斗度而牽牛去南河寢遠則瑞州安見其果屬斗分耶 附錄

撫州志云十二辰次各得天度三十度三十分分之十四無贏縮也今攷星紀度數漢制引皇帝分星次起斗十一度至女七度蔡邕起斗六度至女二度皆得二十九度費直起斗十度至女五度唐書起斗九度至女四度晉志起斗十二度至女七度皆得二十八度皇甫謐起斗一度至女七度得三十九度是星紀不得與諸辰均矣晉志以豫章入斗十度廬江斗六度九江斗一度以爲陳卓范蠡鬼谷張良諸葛譙周京房張衡皆云然而

吉安府志

卷一

星野

五

星紀之次乃起斗十三度則星紀析木各得斗牛之半豫章與九江廬江皆不得居星紀當入析木之津矣惟元郭守敬起斗三度七十七分八十五抄終女二度六分三十七抄則斗牛正在星紀之次吳越亦當斗牛之分而各辰度數皆均庶幾近之 附錄

以上十三條歷舉南斗牽牛女度數分野有關荆揚分野可繫於豫章由豫章分野度數可証於吉安者併附錄他郡邑之文其說互異總以江西之廣信玉山舊屬會稽九江界楚之黃州吉安安成及袁州之屬邑舊轄楚之長沙南安贛州之屬邑界於東粵壤地相錯故或曰南斗或曰牛女就其近似立說至於

以里計度以南昌十度例各郡邑之度皆憑臆無可攷信蓋二百里有奇當一度當以里之徑直計之今僅拘迂曲程途上窺星度之分固宜言人人殊而究歸於不確云

史記天官書云二十八舍主十二州斗秉兼之吳楚之疆候在熒惑占於鳥衡張守義正義云熒惑鳥衡皆南方之星故吳楚占候也

宋史天文志云北斗七星二曰璇法星主地其分爲楚四曰權爲時主水其分爲吳又三台六星上台下星主荆揚

江西通志按五車之占有楚而無吳越當在戰國楚滅

吉安府志

卷一

星野

六

越以後但既不主揚州則於豫章似無涉惟安成一郡晉屬荊州差可牽合

張翼廣雅云布度定紀布州繫象徐揚屬權荊州屬衡節錄

江西通志按此以九州屬北斗也星止七而州有九何也合青於兗合揚於徐故七星可主九州與宋史第二主楚第四主吳說異

星經云熒惑主霍山揚州交州又曰璇璣者謂北極星也玉衡者謂斗九星也玉衡第四星主荊州常以五卯日候之癸卯爲長沙第六星主揚州常以五巳日候之乙巳爲豫章丁巳爲吳郡會稽

明郭子章云江西本豫章郡當候以乙巳廣信玉山舊屬

會稽郡當候以丁巳安福舊屬長沙郡當候以癸卯
廬陵縣志云安成一縣耳何必因荆揚二字遽分斗與丑
已蓋廬陵與安成接壤地分天次恐不應若是遼絕安
成應南斗之占分野當在揚州之域

又云北斗分野廬陵屬杓屬權以九星言第六以七星言
第四支干分野廬陵在江西域曰在丙丁又戰國之
楚當在丙在寅又春秋吳越地當在戌 諸星分野宋
史上台下星主荆揚廬陵當在上台司命之下星五車
東南一星曰司空主楚分荆州廬陵主五車司空星九
俱

安福舊志云安成爲荆揚區當屬斗之權衡二星上台司
吉安府志

卷一

星野

七

命之下星 占候主熒惑星廬陵安成古荆揚楚吳越
之地凡有裁祥當於熒惑之所經行占之 斗牛主五
車星五車星主五穀豐耗廬陵安成舊俱屬楚西南一
星曰司空主楚分是占五穀必於司空星占焉

萬安舊志云萬安在揚州之域豫章之郡今隸吉安府在
吳頭楚尾之交地界北斗權衡二星麗上台司命之下
星

又引一統志云吉州屬翼軫之分星紀之次天文書丙
主楚戌主吳介於吳越建斗於星紀故占星從之

以上十條就星土屬北斗者言也青兗徐揚併合故
九州可以七星主之然張翼廣雅一條與宋史不合

而占星家多據張說星經以斗第六星主揚州豫章當候以乙巳而郭子章以安福舊屬長沙宜以癸卯候之其說似拘於地安福本吉安屬邑舊志以為荆揚並轄之區故並列本郡各志之說於後萬安志引一統志吉安屬翼軫分則專屬荊州矣似顯與史志各說相背馳不可從

春秋元命包云牽牛流為揚州者言其宿之行應於揚州之野山谷江西道院賦曰勾吳之區維斗所直直之為言主也南斗之所主者吳也然豫章介於荆揚故王勃滕王閣叙亦指為翼軫乃星紀鶉尾之交荆揚之分野明郭子章豫章書云王子安序曰物華天寶龍光射斗牛

吉安府志

卷一

星野

八

之墟吳分也又云星分翼軫地接衡廬玉海云天關翼軫之疆地振江湖之國則以其近於楚分也而或者以子安為誤非是於次為星紀為鶉尾

瑞州志云考占候家言於麗牛有驗因思子安滕王閣叙首言星分翼軫後人多譏其誤及考呂覽諸書吳楚之分其星翼軫彼蓋先舉衡廬大勢言之

勃精於推步嘗作千歲曆序中

明言星分謂吳楚異宿也後人自誤解耳

下稱斗牛之墟則較然矣

附錄

瑞昌縣志云瑞昌地本楚尾接壤武昌星厯辰次似宜為

軫不為斗

附錄

瑞金縣志云斗為豫章十二郡之分野閩八郡則牛女分野瑞金去贛三百餘里去汀僅八十里星土之交似於

斗頗遠於牛女差近當介斗牛之間

附錄

瑞州志又云豫章入斗十度唐天文志則云豫章訖會稽南逾嶺徼爲越分越屬牛度而牽牛去南河漸遠則瑞州安見其果屬斗分耶且按晉書則屬牛似乎有驗

附錄

萬載縣志云江右皆斗分野當屬吳境而袁州志載斗六度至須女二度謂之星紀吳越分野又南斗牽牛星紀之次則萬載分野約在斗牛二星間筠志引晉隆安水災其麗牛有驗萬載故轄筠當不甚遠

附錄

廬陵縣天文序云舊志謂十二次分屬星紀二十八舍兼入南斗牽牛婺女引左氏吳伐越杜註爲証按是年歲在星紀史墨以爲吳受其凶是星紀爲越分不爲吳分

吉安府志

卷一

星野

九

矣杜註賈逵之說以爲吳越皆星紀之分特吳先用兵故受殃孔疏因之予竊以爲不然鄭康成則謂此年歲星在牽牛故吳伐之凶此說是也果如賈孔之說則史墨當云吳越同得歲而吳先用兵必受其凶矣

廬陵縣志引宋史天文志云日食在斗吳分有兵日食在女越分饑吳越對舉皆自分時言之舊志既引劉向之言謂吳地斗之分野越地牽牛婺女之分野矣又曰廬陵故吳故越遂併牛女入之意謂越併吳廬陵爲越有也然則楚併越廬陵又爲楚有矣亦將併楚分星而入之乎辨之以俟明於天之道者

以上九條雜引吳楚越分星之說繫於斗牛女翼軫

之間者以見江西地界楚越分星似有參錯故往往皆爲比附然究不能指實以爲必然也獨廬陵志二條力主斗分不涉旁借與諸史志南斗屬吳之旨脗合况斗牛同爲星紀尚可牽入翼軫則爲鶉尾之次於豫章一無可徵不得以安成舊隸長沙致滋疑竇故錄而辨之

蘓伯衡論分野云分野者指列星所屬之分而言鄭氏謂星所主土是也其國在此而星則在彼彼此若不相配而其爲象未嘗不相屬非地之在北者其分野在天亦屬北地之在南者其分野在天亦屬南也

江西通志跋云星野之說有二一主地之方位一主星之

吉安府志

卷一

星野

十

火氣主地似乎有憑實失之固以氣相屬不繫方隅其說原於張衡王克暢於唐僧一行理較當矣昔人猶以星紀北而吳越南未能破疑試思斗牛雖屬北方之宿而四時運行非若北辰之居所不移也詳核天文志及星經豫章於次爲星紀於辰爲丑於宿爲斗牛此爲定義其麗屬而有時占及者北斗第四權星第五衡星第六開陽星上台之下星天市垣東蕃第六星西蕃第二星十二國之越星楚星五車之司空星於五曜主熒惑及歲星義各有指要於有驗故歷代所占豫章應斗者十之五六應牛者十之二三翼軫無之觀古可以知今不當以豫章地曾入楚強附鶉尾次舍矣

通志又云河分兩戒之說元明以來精於測驗者往往譏其踈謬愚謂一行此術俯察地理若指諸掌實與觀斗柄而知四時審中星以驗昏旦同符天象之自然要未可廢而不錄也

明景定臨川志云南北二斗皆曰斗者其星各有四成斗之象北斗位乎北居太微之北近天中杓轉而魁不改其度故曰北斗南斗爲北方七宿東行左旋與二十八宿周流於天何以曰南蓋二星俱名爲斗北斗不離乎太微之北故以北名南斗爲北方七星之首自北而南故以南名

臨川新志辨云按周天恒星不改其度者惟北極一星耳

吉安府志

卷一

星野

十一

北斗七星在紫微垣之外杓與魁並隨天左旋無一息之停謂斗魁不改其處故名北斗非也南斗近南極垣亦與二十八宿隨天左旋謂南斗爲北方七星之首自北而南故以南名亦非也恒星並隨天左旋豈有自北而南者哉蓋北斗近於北極故曰北南斗近於南極故

曰南耳

按此條辨晰極確

此五條首條論星所主土各有所屬之分不以星紀南北之位分野之南北所主第二條論星野以氣相屬不繫方隅又兼及於麗屬之星有時言及者期於有驗不可以江省強附鷄尾次舍第三條論河分兩戒之術符乎天象自然第四五兩條論南斗北斗之

名各因其所近南北二極而言皆天文星野精覈之
旨故併錄於冊以備精於推步者攷索焉

占驗

春秋魯昭公三十一年十二月辛亥朔日食在龍尾史墨
曰六年及此月也吳其入郢乎終亦弗克庚午之日日
始有摘火勝金故弗克

按吳楚非龍尾分野而史墨知吳入郢蓋以日決之
春秋魯昭公三十二年歲在星紀吳伐越史墨曰不及四
十年越其有吳乎 鄭康成云斗主吳牽牛主越是歲
星在牽牛故吳伐之凶

漢武帝元鼎中熒惑守南斗後閩越王反誅民徙地虛

吉安府志

卷一

占驗

十三

晉雷煥見紫氣衝斗牛間以問張華知有寶劍在豫章豐
城煥果掘豐城獄得之實應此祥

晉隆安四年太陰犯牽牛是年豫章水災

隋書梁大同五年十月辛丑彗出南斗長一尺餘東南漸
長一丈餘占曰天下有謀王者其年安成民劉敬躬遂
挾左道以反黨與至數萬人

陳文帝天嘉四年九月癸未太白入南斗占曰君死不死
則廢其後安成王爲太傅廢少帝而自立

龍泉縣境南唐保太三年春正月有星大如斗赭長三四
丈自北而南光一二時乃没占曰此兵象也八月楚馬
氏招降邑扶賊果連兵不息

南唐書

永新縣境宋咸淳十年甲戌正月乙卯有氣如虹霓起城東江水中橫貫一邑須臾覆蓋四門亡何元師壓境叛

賊劉聚引兵陷城諸勤王大姓屠滅永新縣志

廬陵縣境元至正十二年正月有星隕於郡城之東北是

年徐壽輝稱天完帝廬陵縣志

龍泉縣境明宣德六年見熒惑犯南斗歲大饑龍泉縣志

廬陵縣境乙酉年是年江西吉贛諸郡尚未歸版圖七月日午有星如火

墜下文餘轟然有聲明年吉安屠城廬陵縣志

以上十二條前五條泛舉占驗之關豫章者以見星紀之應後七條則就占驗之繫於吉安者指出以見南斗分野之不誣至於日食在斗度客星犯南斗太

吉安府志

卷一

占驗

白在南斗魁中熒惑入南斗太白晝見南斗側有星孛於南斗填星久守南斗月入南斗之類史不絕書有變異即有事應然必指定某事以實其變亦間有不然者或反弛後世遇災而懼之心故春秋不言事應但書變異使人鑒此凜於洪範省月省日之意今畧舉數條以概其餘

氣候

通志跋云風土氣候亦臨民出治者之所宜急知也故特附於星野之末據所可知者列數條而全省所轄廣袤千餘里彼此遠近雖殊大約可推而得又云袁近楚信近浙饒九近江風氣大同小異南贛介粵嶺之北恒燠

少雪地氣所囿天氣從之轉移視省會蓋懸絕矣

按此二則未及吉安然查疆界毗連楚之長沙衡州與袁州相近吉安廬陵舊志不言氣候大槩於江西爲適中

吉安府於江西地處上游入春地氣蒸濕景物和煦驚蟄微凍春仲即暖三月種稻時亦涼冷數日俗云栽禾寒四月多雨俗云黃梅雨山谷煙嵐侵人物易霉變且南薰交扇日趨炎燠初秋餘暑未退熱氣轉增早稻多夏收晚稻遲至九月間其餘雜糧皆應候成熟八月望後秋風颯爽至九月間則涼颼振槁霜候漸逼初冬屆寒或降瑞雪十一二月濃陰即雨或兼旬甚風苦雪近時

吉安府志

卷一

氣候

十四

寒少暖多人不挾續而溫至龍泉萬安永寧山高谷邃

間生瘴癘

新志增

廬陵縣附郭風雨和會適中與吉水泰和約畧相同

蓮花廳界連南楚晴雨不常晴則天高氣爽雨則霧靄雲蒸雖有山嵐實無烟瘴其風鬱故多暑其山深故多寒其區域去粵甌稍遠故暑不如其久去幽薊最遠故寒不如其初

蓮花廳新志

泰和縣小卯出耕寒飈漸退方秋而獲溽暑初收迅雷疾電灑四月之梅雨連陰積霧潤秋中之豆花花木偶發於小春沆瀣遲結乎霜降十月雨百蟲藏蟄八月麥羣鴈來賓雪熟應豐年之兆天笑知霖雨之來冰不壯於

嚴寒風嘗涼於盛夏蓋星土實繫斗野氣候稍同中州

云泰和新志

龍泉縣四境崇岡疊嶂村落夷隩間隔故四時雨暘寒燠

之氣各有不同每歲正月雨水以後陰霾日多晴霽日

少俗云春無三日晴二月綿衣夾襖早晚不去三月春雨輒雷

電清明時多疾風暴雨俗云王小姑祀祖四月梅雨蒸溽俗稱爛梅

天地磚石礎皆潮濕夏至後少雨或驟雨俗云夏雨不過籬五

月大雨川谷滔漲俗呼為端午水六月炎熱七月熱益燥三伏

炎酷入秋彌烈八月猶熱或連日陰晦大雨水俗云八月斂花

雨九月始涼間多霧霾曉起山峰莫辨亦多風雨十月

多晴氣暖如春俗稱小陽春可種花木間有霜十一二月或雪或

吉安府志

卷一

氣候

十五

薄冰池水有凝凍者日出隨解四時嵐瘴山谷多有之

俗傳二月三月謂之青草瘴五月六月謂之黃茆瘴九月十月謂之新米瘴立冬後漸止大

都氣候不齊五月盡至十月早晚諸稻隨時登收附郭

稻或再收茶或三收苧或四收八九月嵐氣多人易患

瘡或云黃丹氣布則損麥夏盡有乾風起則損稼雨中

見日則生蟲龍泉新志

永新縣土踈氣泄久晴易熱雖盛夏隆冬氣候輒變境內

無大水旱蝗蝻不至年穀多順成民樂其業無甚富亦

無甚貧春夏霧霾峰巒四合經旬或不展芒種後日迫

於暑多蚊蚋將雨蒸鬱不可耐五月溪漲俗呼端午水

又有磨刀水洗街水之說然亦多應秋熱益燥八月陰

晦常如春稱桂花天九月始涼恒雨稱九皇天以人家多祀北斗也十月微霜長至後雪或數見有冰不堅得日隨解處萬山中喜無瘴癘氣

桂軒雜錄

萬安縣南鄉山連贛郡曉霧如雨每當三四月八九月瘴癘四塞民早行宜酒夜卧宜衣否則瘡疾難解土人每驗八月一日遇北風則喜無瘴南風則瘴不免矣

萬安舊志

廳邑所轄氣候多同故廬陵吉水安福永豐永寧五志皆畧無一及氣候者今據所有編載數則至江鄉本無瘴癘今龍泉萬安兩志獨以邑處崇山地近贛州仍稱有瘴蓋山谷箐林嵐霧襲人秋多中瘡亦所

吉安府志

卷一

氣候

十六

不免又按永寧志稱嘉靖四十年辛酉瘴死數千人村落爲之蕭索順治七年庚寅邑大饑瘴癘交攻可知瘴氣固間有之土著之民尤不可不慎起居之節云

機祥

晉太康八年丁未四月木連理生廬陵東昌太興元年戊寅冬十二月地震水湧山崩興寧三年乙丑五月西昌僵粟復生

按晉書云西昌修明家有僵栗樹是日忽復起生識者謂孝武嗣統帝諱昌明西昌修明之祥實應焉今攷晉書云云自是史官附會姑錄備攷

太元八年癸未三月十八年癸巳六月俱大水
義熙八年壬子地震

按晉書云正月至四月南康廬陵地四震明年王師
西討荆益

宋元嘉二年五月廬陵縣池產瑞蓮二花一蒂太守王淵
以聞六年三月丁亥白象見安成安復江州刺史王義
宣以聞

豫章
書補

泰始六年七月壬午有二白雀見廬陵吉陽二縣內史
江攷以聞

齊建元二年庚申夏廬陵郡石陽縣長溪水激山麓出古
木千章

吉安府志

卷一

機祥

七

按齊書云石陽縣出古木千餘章皆十圍上有古文
不可識江淹以問王儉儉曰此必秦漢時樹也

永明三年正月安成榆樹連理

豫章
書補

永明四年丙寅四月東昌得古鐘一具

按齊書云比歲以來東昌縣山恒發異響有一巖
落縣民方泰往視得一古鐘

梁大同八年安福土人劉敬躬得白蛙化為金龜禱之多
驗遂以妖術叛

太寶二年辛未六月白龍見

按南史云武帝發贛石水暴起數丈陳霸先入援進
軍頓西昌有龍出水濱高五丈五彩鮮曜

又見徐鍇
記并周必

隋開皇十一年辛亥西昌地產嘉禾

唐顯慶元年九月戊辰吉州火焚倉廩甲仗民居悉燬

開元二年有二龍戲於武陵源土崩石裂因名龍泉

永泰元年慶雲見於遂興

元和七年壬辰冬十一月大水

長慶四年甲辰十一月吉州大水

大中間遂興江口五色祥雲見因名五雲今隸萬安

唐末安福縣有牛生六犢又有蓮生一莖四房時楊彥

伯為宰豫章書補

南唐李後主時廬陵歐陽氏子忽化為女嫁人生子江南野史

吉安府志 卷一 機祥 十六

宋開寶八年龍泉水北桐木勘有五色祥雲竟日方散人

以為開治之兆

淳化元年夏四月及五六月州境水漲丈三尺漂壞民

田屋廬三年騶虞見於龍泉南門外

祥符元年冬十月甘露降於龍泉縣治東

三年龍泉龍見於池邑人即其地建龍池寺

八年六月吉州臨江軍並江水泛濫害民田豫章書補

景祐三年夏六月江水漲潰州城民多溺死

慶歷四年龍泉金輪山生芝四本蓮葉

皇祐三年辛卯冬甘露降吉州知州王固以聞廬陵安福志俱

作四年

嘉祐二年夏五月龍泉五華山下龍馬相鬪片時雲起
暴雨迅雷其地因名馬龍

熙寧二年夏六月吉州城西池生瑞蓮

豫章書補

二年八月芝叢生廬陵玉虛觀十月甘露降於天慶寺
又熙寧間萬安有五虎自蕉源突入民舍一道人敲銅
具祝曰虎不殺人新邑以寧果無所害

元豐六年龍泉縣丞門東產芝莖其年夏四月大旱六
月中大水

八年芝草二本生州治獄門東又生郡齋生西峯寺有
異本同穎者太守作秀野亭黃庭堅記改三秀寺
大觀四年夏龍泉縣大豐陂堰產嘉禾四五穗歲大有

吉安府志

卷一

機祥

九

政和間吉水李籌兄弟母墓在匡山木連理

豫章書補

宣和間永豐曾正矩家蓮一莖三葩

豫章書補

建炎三年泰和城隍廟大墮災時金人渡江夏四月龍
泉聞天鼓鳴一二時乃止秋八月有怪鳥高五尺赤色
自南飛來止於龍泉南門脊上三日明年彭友屠城

紹興三年癸丑饑春三月盜焚龍泉縣治譙樓文廟民
舍一空

四年自夏及秋江水漂沒民舍

十七年龍泉王珠母墓有雙竹靈芝

淳熙三年春三月大雨害禾稼

七年庚子大旱

九年壬寅夏五月大旱

十年秋八月大水

十五年吉州郡堂東池生蓮一莖三葩

豫章書補

慶元元年五月龍泉含山蛟出頭尾皆現壞禾稼有猺苗獵於山拾一桃吞之是夜身首添長數尺不知所終六年大水六月大雹如雞卵

嘉泰二年秋白鹿見於龍泉之南坪

嘉定十四年旱蝗秋八月龍泉遂水有聲如鐘鳴

嘉熙四年夏六月大旱蝗

咸淳三年有星隕於龍泉院旁氣貫如虹十月鵝村民封正已家牛產犢一角鱗身肉尾

吉安府志

卷一

機祥

二十

元元貞元年乙未夏六月大水

二年丙申蝗

大德十一年歲大饑

泰定元年五月有鳥狀如黃雀聚龍泉百千成羣害禾稼全郡皆饑

至順二年吉安大饑

元統四年三月吉安境雨毛如綿

至正四年吉安永豐大水

豫章書補

九年秋七月龍泉虎山崩裂流水如血邑西南山若移動疾風霆雹陷沒民居又南北二溪有牛吼經月十三年癸巳郡境大旱

十四年甲午四月大雨水溢數丈漂沒民舍田畝
明洪武元年大饑

三年庚戌泰和縣廳樑柱芝生狀如慶雲秋縣南陳真
家芝生二莖

五年秋龍泉城南長壽寺產芝二本

永樂二年甲申郡屬大水歲大饑人相食

三年龍泉學宮產五色紫芝有白鶴翔於大成殿上是
年四李三郭登榜

八年三月縣學生黃瑞家竹一本二幹

豫章
書補

宣德間廬陵城北溪傍產嘉禾一莖九穗

正統二年丁巳四月郡屬大水壞民田舍五月龍泉芝

吉安府志

卷一

襪祥

三

生儒學時習齋又泰和芝生儒學

成化十六年庚子五月安福大水高十餘丈漂沒溺死
無算十一月永寧見五色雲捧月

二十一年五月府屬大水高十餘丈漂沒無數

宏治元年龍泉縣境產瑞禾九穗

三年庚戌春泰和天馬山鳴

十年龍泉大雨雹形如牛首重十餘觔

正德五年夏野彘自南來入萬安城隍廟

邑人劉玉占主城郭坵墟冬十二月流賊果至殺戮
無算

六年廬陵雨血着衣皆赤

乙亥八月朔辰刻日食昏暗如夜星辰皆見庚辰永寧桃李冬花梨樹生棗

十四年七月夜吉安城雨血白衣沾之皆赤泰和龍泉皆然安福西北鄉大水山崩邑民袁氏家雌雞變雄是年宸濠反

嘉靖二年龍泉城內義井醴泉出香味如酒

三年七月永寧大風雨雷電拔木撼石

六年丁亥春大旱

十年辛卯七月朔日彗星見西方

十二年秋星隕如雨蝗蟲滿野

十五年丙申七月十四日戊亥之交紫雲捧月五色成

吉安府志

卷一

禮祥

三

文

十七年戊戌夏永新水入城內丈餘廬舍漂沒

二十二三年府屬大旱饑且疫二麥不收

二十四年乙巳永寧邑人謝容儼宅產靈芝

二十六年丁未泰和天馬山鳴

二十七年永新大饑牧童拆泰和社稷壇主一夕大雨

雷霆

二十八年己酉五月十日永寧無雲雷電

三十年春龍泉大水

三十七年戊午秋月泰和境東方白氣如刀相傳爲虫尤旗主兵

三十九年庚申泰和天馬山崩水湧出螺數石大者如拳

四十年辛酉秋永寧瘴作疫死千人

四十四年乙丑六月府屬霪雨田稻生秧

隆慶二年夏四月芝生泰和冠朝

三年己巳夏四月大饑

萬曆五年丁丑秋閏八月府屬雨小黑實永新永寧人病瘴死者無算

十二年府屬大水傷禾稼

十七年己丑府境大饑

二十二年二十四年府境大水漂沒廬舍民饑

吉安府志

卷一

襍祥

三

二十五年夏四月泰和疾風拔樹壞屋

二十八年庚子秋吉安地震

三十一年癸卯秋龍泉有黑獐如犬夜入南門蕭氏家遂火災

四十二年甲寅安福大饑

四十三年乙卯夏六月安福王某自外歸有雲如匹練隨之入室化為白龍尾指天而首向下睛鬣角爪皆具王驚呼家人環拜鄰舍喧傳聚看三四食頃滅

徐世溥雨禪新

溫

天啓三年四年府屬旱饑

五年乙丑二月大雨雹三月夜龍泉項家塢內有蜈蚣

長丈餘出洲上

崇正六年癸酉安福地震

七年甲戌十月安福城內三門起火

十二年己卯十二月龍泉聞天鼓鳴二三時乃止

十四年辛巳龍泉水口大水湧蛟出長十餘丈角爪皆具漂沒田禾民舍

十六年癸未大旱

十七年甲申二月上丁日府學明倫堂中樑忽墜同日縣學明倫堂雷劈棟柱三月聞京城闖變

國朝順治三年丙戌龍泉境盈珠一里許甘露降夏四月天門開於西南見五色雲如畫

吉安府志

卷一

機祥

十四

五年戊子府屬邑大饑斗米七錢又大水

九年壬辰大旱

十七年庚子八月府境西方有大星流北方衆星隨者無數是年泰和王山崩裂如潰疽田廬人畜俱沒

康熙元年壬寅春龍泉縣境五色雲見

六年丁未大水秋府境白氣出東方直射中天三夜乃滅永新縣秋晴忽聞霹靂墜巨石於南鄉

七年戊申三月十三日府境雨雹十六日又雹以掌承之化為污泥又東源張氏田隴忽陷一畝深丈餘

十年辛亥府屬大饑安福旱饑知縣張召南賑之

十二年癸丑泰和天馬山鳴三晝夜永寧縣左地鼓震

旬日

十三年甲寅正月朔日子時永寧縣雷電大作

十六年丁巳春永新西鄉虎畫出

十七年戊午安福縣三四五月大饑知縣張召南捐貲
煮粥賑之

十九年庚申十月泰和境西方白氣如長虹光焰數丈
二十五年丙寅二月安福縣黃龍菴前生竹一本雙榦
三十五年丙子廬陵電大如碗內有魚蝦草藻其年麥
大收

四十三年甲申府屬春夏大荒穀價大昂泰和水溢入
城

吉安府志

卷一

襍祥

二十五

四十九年庚寅六月永新玉女廟夜半水起坍塌廟墻神
像漂出立而不仆五十四五兩都森若巨浸水中聞鐘
磬絲竹聲

五十二年癸巳府境大水民饑

五十五年丙申泰和武山北巖石龜鳴夏大旱

五十九年庚子府屬大有秋

六十年辛丑四月安福城內東山寺塔頂有氣如烟如
髮隨風繚繞三日乃止雍正癸卯 恩科獲雋十人適
應斯兆

六十一年壬寅秋八月朔府境見兩日相盪

雍正元年癸卯正月龍泉萬安並甘露降

二年甲辰永新虎患垂十餘年不止傷人無數
九年辛亥十一月永豐戴大業家重開牡丹

十年壬子安福正月八日大雪五月十三日大雨是年
大熟萬安大水西塘鄧林等處冲塌房屋又龍泉縣大
水壞禾稼民大饑

十一年癸丑五月泰和雙鶴樓災永豐大水官廨倉庫
及民房俱塌山田桑土剝淤數千畝十二月廬陵安平
資國寺牡丹盛開

乾隆元年丙辰二月廬陵青原一小山三鳴坊廓鄉羊
牯井湧出源泉忽大水漫岸結成二字四圍有龍鳳之
異三日夜乃滅是年隴內禾麥皆發兩岐府屬大有年

吉安府志

卷一

襍祥

二六

萬安五色雲見東方安福大水黃陂橋圯沿江田畝廬
舍冲塌

三年戊午夏秋間府屬大旱生蝻

七年壬戌四月朔蓮花廳石廊洞側地陷溪水驟湧是
日白氣如虹結為雲霧

八年癸亥府屬大稔閉糴穀價驟湧民食仙粉土搗菜
克饑

十三年戊辰五月蓮花廳四都大風偃木又三日反風
偃者復植獲有秋

十四年己巳四月府屬麥俱有秋泰和真武廟災永豐
重建學宮上樑前一日明倫堂堦下產靈芝色紫

十五年庚午秋七月府境大水泰和學宮雙桂並實
十六年辛未蓮花廳曬米坪松梢甘露降

十七年壬申廬陵民人一產三男安福石屋山麓產靈
芝十二月廬陵冰凍作花有松栢芰荷牡丹及龍鳳龜
鶴之狀

十九年甲戌四月府境大水壞民廬舍

二十一年丙子廬陵有五色文鳥飛入蕭氏家三日乃
去

二十七年壬午正月初二日廬陵境聞天鼓鳴

二十九年甲申府境大水

三十年乙酉府屬歲大稔穀價騰湧五月七日安福九

吉安府志

卷一

祥

二十七

龍山聚蓮菴水從山頂湧出巨石墜下數十餘丈又武
功山集雲菴後亦然今墜石處成江

三十二年丁亥二月廬陵大雨雹傾屋折樹

三十三年戊子安福蟲苗禾俱盡

三十五年庚寅府屬秋大稔

三十六年辛卯六月安福武功山天心瀑水崖蛟出水
漲安福縣蓮花廳冲壓田房淹斃人口

三十七年壬辰六月二十二日安福北岸地方田禾中
忽見巨蛇大二尺餘圍有鱗甲其聲如猫頭尾初似菜
花蛇三日變紅黃五日乃去

三十八年癸巳三月安福洋澤石門山白晝有聲石罅

大開有風烟自中出經時乃散石仍合如故
三十八九兩年府屬大稔米穀價平人民安業

卷一終

吉安府志

卷一

襪祥

三